

Xroon yóxin tsíkjín ch'ín Pedro

*Ch'ín Pedro chr'énhen ch'án tí xroon tí sín
tinkáchónki Cristo*

¹ Janhan Simón Pedro, na mé t'ahá xrá Jesucristo. Ikjian tí xroon ts'ayéhérá jahará ó tinkachónkirá Inchéni éxí tinkáchónkini jeheni kíxin Dios la ko Jesucristo tí nkexro sinchekaáni na mé jína ch'án. ² Sintayaonrá Dios la ko antsí ts'ayéhérá kjuaxróxin kíxin ó nohará nkexrí tjen Dios la ko Inchéni Jesús.

Jína chrók'uejó tí sín tinkáchónki Jesús

³ Dios kjuanjon kjuachaxin tsochóntani kaín nkehe t'ichjánxínhinni kíxin chrók'uejóni jína chróxraxinkaonni tí jehe ch'án. Kíxin ó noheni nkexrí tjen tí nkexro k'uíyehéni kíxin tí kjuachaxin jié chóntha ch'án la ko tí xrá imá jié kjuich'e ch'án. ⁴ Mé xíkaha kjuanjon ch'án kaín xín tí nkehe a, táha la mé imá jié la ko imá tjete sínkí. Mé xíkaha kjuakoxín ch'án kíxin chrók'uayéhérá kjuachaxin chrók'uejorá éxí tjinkaon ch'án la ko chrókuitjohérá tí nkehe jínahya kíxin chrók'uitjáyanxínhayará tí nkehe k'uékjenkayáxinrá siín chjasintajni. ⁵ A ntá jahará tinkachónkirá Inchéni la kjaxin chrókjuéyárá kíxin chrók'uejorá jnkojína; a ntá tí jína tjejorá ntá chrókjuachará antsí chrókónohará; ⁶ a ntá tí kónohará ntá chrókjuachará chrókjuenkayáxinrá jína; a ntá tí tjenkayáxinrá jína ntá chrókjuachará chrókóninkákonhyará tjoka; a ntá tí tóninkákonhyará ntá chrókjuachará chaxín

xráxinkáonrá Dios; ⁷ a ntá tí chaxín xráxinkáonrá Dios ntá chrókjuachará chrótjuèhérá kíchuárá; a ntá tí tjuèhérá kíchuárá ntá chrókjuachará chrótjuèhérá kaín chojni.

⁸ A ntá xíkaha tjejoch'erá tinkák'ánki tí kjuaxrexinkaon kuèntará, ntá jehya kíxin chónkó kuinkachónkirá Închéni Jesucristo. ⁹ A ntá tí nkexro ch'ehya xíkaha la mé éxi ijnko chojni t'ikonhya o ijnko chojni t'ikonhya jína, kíxin ó k'uitjáyenen kíxin Închéni ó kjuixin kjuíncchetjóá tí jie k'uéchónta ósé. ¹⁰ Méxra xíkaha kíchó ni jnkojína chrók'uejorá kíxin ntá tsønohará jína kíxin Dios tsíkjeyará tí jahará la ko tsík'íyáhará ch'án kíxin xíkaha jína chrókjuenkayáxinrá, a ntá xitjahya chrókjuichroerá. ¹¹ A ntá xíkaha chrókuítekáonrá ntá tsotjáhará Dios kjuachaxin ts'ixenhenrá tí tjen Închéni Jesucristo t'etoan ch'án jnkochríxín. Jehe ch'án mé tí nkexro kjuíncchekaáni.

¹² Méxra titoahya ntaxráxinkáonrá kaín tí nkehe i, kjónté ó nohará tí nkehe ntoá kjuákohará. ¹³ Ntáxrjan kíxin jína tí naxa tjén chrókjuintaxráxinkáonrá kaín tí nkehe a ¹⁴ kíxin Închéni Jesucristo kjuíncchenóna kíxin í séhya its'én janhan. ¹⁵ Na mé kaín tíha tjét'a kíxin tió its'én, ntá jahará tsoxráxinkáonrá jnkochríxín kaín tí nkehe kjuít'a.

Tí sín k'uíkon tí kjuachaxin kuènte Cristo

¹⁶ Tí nkehe kjuakoharáni kuènte tí kjuachaxin kuènte Închéni Jesucristo la ko nkexrí itsi ch'án na mé jehya ijnko cuento kjuich'eña chojni chrókjuich'iyaxín. Náhí. Ikonni k'uíkonxínconi

Închéni la ko tí kjuachaxin kuènte ch'án. ¹⁷ K'uíkonné tíha tió It'éni Dios kjuikosáyehe ch'án tí Xjeen ch'án, la ntá kuínhinni nixja Dios tjen nkaya nkajní ntáchro ch'án kíxin: “Tíhi mé xjanna tjuahá ch'án. Imá chàna kíxin nchexiteyá ch'án éxi tjínk̄avan janhan,” ichro Dios. ¹⁸ Mé kuínhinni itén Dios kuixin nkaya nkajní kíxin xikaha ntáchro tió k'uejókoni Închéni chrítaón tí jnä tjóá.

¹⁹ Mé xikaha k'uéchrónka tí sín tsíkjín itén Dios ósé ntá noexínni kíxin chaxín tsoxiteyá. A ntá jahará chrók'uejorá chrókuinhínrá jína nkehe k'uéntáchro sín kíxin tí tan mé éxi ijnko xrohi t'inkaséyanxín tí sítié tsjixrakájia tí yaon ts'inkaséyan itsi tí konotsé t'inkaséyanxín tí nchítjen mé xikaha ts'inkaséyanxín nkaya asánrá. ²⁰ A ntá tjetoan chrókónohará tíhi: kíxin ninkehó xroon itén Dios tsík'óna jehó chojni chrókjuacha chrókienxín. ²¹ Náhí. Tí sín k'uéchrónka itén Dios la nixjahya sín tí nkehe jehó sín chrókjuenkayáxin sín. Náhí. Tsíkjinchetjóá Dios tí jehe sín, a ntá Nchakuen Dios kjuínk̄itsa k'uénixja sín itén Dios.

2

Tí sín tjako kjuach'ia (Judas 4-13)

¹ Kjáxin k'uék'ixin tí sín ntoáhya k'uéchrónka itén Dios tí chjasin Israel, mé kjáxin xikaha tí jie ts'ixin maestro sit'ayahará. Jehe sín tsochr'ákjenhen sín iso nkehe ntoáhya ts'itjáyanxín tí nkehe chaxín tsaáxinni la xikaha sinchemá sín tí Închéni chrókuaáxinni. Tíha mé tsjixin tsjasótexín tí jehe sín. ² Nchónhya chojni tsochréhé sín tí

nkehe jínahya ch'e sín. A ntá tí xíkaha ch'e sín la ts'ántaxiéñxín chojni tí ntja ntoá kuènte Ìnchéni. ³ Tsoxrjíñhín sín tsochónta sín nchónhya chichaon, ntá tsjanchiaxínrá sín chichaon tí nkehe ntoáhya tsjakohárá sín. A ntá tí nkehe ts'itjáyanxín sín tjechónhen la kohya nkerí tsaáxin tí jehe sín kíxín ósé tjechónhen xíkaha tsónhen sín.

⁴ Dios la kjónté tí sín ángel kjuasin jié la kuíkonóehya ch'án sín la k'uetoan ch'án kíxín sátsji sín tsjasóte sín sátsjik'ikjehé sín tí sítié na tjejóchjina sín tsjixrakájia tí tsitoexín ijié sín. ⁵ La ko kjaxin kuíkonóehya Dios tí sín k'uéjó chjasintajni ósé ntá ichr'án ch'án ntá kuijtee tí sín jínahya, a ntá Dios kjuínchekaá jehó tí ch'ín Noé, na mé tí nkexro kjuako tí tan jína la ko kjuínchekaá ch'án tí yato sín ó.* ⁶ Kjaxin Dios kjuínchek'itjáyan tí chjasin Sodoma la ko tí chjasin Gomorra iche hasta k'óna nteso, kíxín chrókónohe chojni jínahya ts'ejó chr'éxín kíxín xíkaha tsónhen sín.† ⁷ Kjánchó Dios kjuínchekaá ch'án tí ch'ín Lot kíxín ijnko chojni jína tí jehe ch'án la ko imá kóxakonhen ch'án tí k'uíkon ch'án tí jié kjuasin tí sín jínahya. ⁸ Tí ch'ín Lot mé jína əsén ch'án mé k'uékjak'e ch'án tí siín tí sín jínahya ntá kaín yaon kóxakonhen əsén ch'án k'uíkon ch'án la ko kuínhin ch'án tí nkehe jínahya k'uékjich'e sín.‡ ⁹ A ntá Ìnchéni na sinchekaá ch'án tí sín kaín əsén kuiókaon tí jehe ch'án kjónté nchónhya kónhen sín. A ntá tí sín jínahya la sinchekjasóte ch'án tí yaon tsitoexín ijié chojni.

* **2:5** Génesis 6.1–7.24; 8.18 † **2:6** Génesis 19.24 ‡ **2:8** 2.7–8
Génesis 19.1–16, 29

10 Dios qantsí sinchekjasóte ch'án tí sín nchexiteyéhé tí nkehe jínahya ntáchro qasén sín a ntá nchexiteyéhya sín tí nkehe t'etqan Ínchéni. Titekakonhya sín la ko chrakonhya sín chrók'uántaxíñin sín tí sín ángel chóntha kjuachaxin. **11** A ntá tí sín ángel imá tséhe sín la ko imá chóntha sín kjuachaxin la kjónté tjinkakonhya ts'ántaxíñin tí sín a nkayakon Ínchéni.

12 A ntá tí chojni a la éxi yóhe iko tjenkayáxinha la nchexiteyéhe tí nkehe ntáchro qasén, la kokjíhi kíxin ts'óyán kichó ó. T'ántaxíñin sín tí nkehe tienxínhya sín, mé xikaha its'en sín éxi its'en tí ko a. **13** Tíha mé tsjasótexín sín kíxin jehe sín kjuínchekjasóte í so chojni. Xráxín tóxrjíñin sín ich'e sín tí nkehe ntáchro qasén sín. Ijnko kjuatósuehé kíxin tjejóntaxín sín ntekoará sín tí kia chontará la kjónté tí xikaha la naqá tjasin sín jie.

14 Kohya nijnko chojni chjin chrokjuasinkohya sín jie. Tóxrjéhya sín tjasin sín jie tsjasótexín sín. **15** Kuítóhe sín tí ntja ntoá ntá chréhe sín ntja kuénte ch'ín Balaam xjeen ch'ín Beor, kíxin kóxrjíñin ch'án chrókjuacha ch'án nchónhya chichaon tí nkehe jínahya chrókjuich'e ch'án. **16** A ntá t'ichjánxín tsjasóte ch'án kíxin tí jie kjuasin ch'án. A ntá ijkno kolócho chjin xitjahya nixja la xrínahya nixja itén chojni la kjuentuéhe tí ch'ín Balaam kíxin tí jie chóntha ch'án ntá kuítóhe ch'án tí nkehe jínahya chrókjuich'e ch'án. §

17 Tí chojni tjako mé éxi yóhe tóye tjiáhya ntá la ko éxi tjuí tjakáko xrínto ó; ó kjuixin k'uítuenhen sín sátsji sín tí imá sítié tsjasóte sín jnkochríxín.

18 Kaín nkehe jínahya nixja sín, a ntá tí jie tjasin sín tóxrjínhin sín chojni chjin ókjé ntá tjachroexín sín tí sín na ntá tjinkaon chrókuítuhe sín tí jie. **19** Chrónka sín kíxin kaín nkehe jínahya la jína, kíxin jehe sín nchexiteyéhe sín tí nkehe jínahya ntoáhya; kíxin jnkojnko chojni mé nchexiteyéhe tí nkehe kjuacha k'uetuenhen sín. **20** A ntá tí nkexro ó chóxin Ìnchéni Jesucristo tsaáxinni mé kuítuhe sín tí nkehe chrók'uitjáyanxín sín kuènte chjasintajni. A ntá chr'éxin tí chrókuakja sín ntia jínahya ínaá tí chrókjuacha tí jínahya chrókjuachroe sín, a ntá antsí má jínahya chrókónhen tí jehe sín. **21** Ichá jína chrókónoehya sín tí ntia jína. A ntá jehya jína tí ó nohe sín ntá tsítuhe sín tí nkehe k'uetoan Dios kuínhin sín. **22** A ntá tí jehe sín kjuínchexiteyá sín éxi ntáchro tí proverbio kíxin: “Tí konią t'ókjan ntá xíkjan xíkjine ínaá,* la ko tí cochíno na ntá tsík'ónti tjóá ntá xíkjan kjíankí tí nchet'q kjita.”

3

Tió tsí Ìnchéni

1 Kichóni tjuáhará tíhi la xroon yóxin ikjian ts'ayéhérá. Yói tí xroon a ntaxráxinkáonrá kíxin jína chrókjuenkayáxinrá. **2** Chróxráxinkáonrá tí nkehe tsíchrónka tí sín k'uéchrónka itén Dios ósé la ko tí nkehe k'uetoan Ìnchéni, mé tí nkexro tsaáxinni, kjuakohará tí sín kjueyá ch'án.

3 Tjetoan chrókónohará tíhi kíxin tí yaon tsjixixín la itsi chojni tsjanoá tí tan jína kuènte Ìnchéni, la sinchexiteyéhe sín kaín nkehe jínahya ntáchro asén sín. **4** Tsjanchankí sín nkehe kónhen tí nkehe

* **2:22** Proverbios 26.11

tsíntáchro Cristo kíxin tsokjan ch'án, kíxin desde ik'uén tí sín tsík'axrjeníxinni k'uéjó ósé la xíkahó nax̄a sítónhen éxi tió k'óna chjasintajni. ⁵ Tí sín a titekakonhya sín kíxin ósé k'uénixja Dios ntá k'óna nkajní la ko chjasintajni na mé kjuìn tí nt̄a ntá kuítóhe nonte xámá. ⁶ A ntá tí nt̄a k'uitjáyanxín chjasintajni ínaá. ⁷ A ntá tí nkajní la ko tí chjasintajni nax̄a tjejó jie tjejóchónhen tsoche kíxin xíkaha k'uetoan Dios kíxin xrohi tsochexín tí yaon tsjixixín tsitoexín ijié chojni la ko kaín tí sín jinahya tsjasóte sín.

⁸ A ntá kíchó ni, chrók'uitjáyanhyará kíxin Ìnchéni tí ijnko yaon t'ikon ch'án éxi mil nánó la ko mil nánó t'ikon ch'án éxi ijnko yaon ó.* ⁹ Ntá Ìnchéni í séhya sinchexiteyá ch'án tí nkehe tsíntáchro ch'án la jehya éxi tjenkayáxin í so chojni kíxin ó má sé tjejóchónhen sín. Náhí. Jehí tjechónhen ch'án kíxin ninkexró chrók'uitjáyanhya kíxin tjinkaon ch'án kíxin kaín chojni chrókjan sín chrókuinkáchónki sín Dios.

¹⁰ A ntá tí yaon tsokjan Ìnchéni mé tsí éxi xíchee itsi tí tie. A ntá tí nkajní ts'itjáyan, la mé nchónhya kjuachrakon ts'ixikónhen ts'ixikóvékjan. A ntá kaín nkehe sínkáni nkajní na mé ts'itjáyan tsoche, la ko tí chjasintajni tsoche la ko kaín nkehe siín.

¹¹ A ntá tí xíkaha kaín nkehe ts'itjáyan, a ntá jahará la jína chrók'uejorá chróxráxinkáonrá Dios. ¹² Chrók'uejochonhénrá tí yaon itsi Dios chrókoxakonhanrá chrókjuich'erá xra kíxin ntá tjoka chrókui Ìnchéni. A ntá tí yaon tsjixixín mé ts'itjáyan nkajní tsoche, la ko kaín nkehe

* **3:8** Salmo 90.4

tsoxíka ts'itjáyan kíxin imá tsosóa. ¹³ A ntá jeheni tjejóchónhenni nkajní nixin la ko chjasintajni nixin éxi tsíntáchro Dios kíxin tsjanjon ch'án. A ntá ntiha la mé imá náxrjón la ko kjuaxróxin ts'ixin tí chojni jína.

¹⁴ Méxra xikaha kíchó ni, nachrohe tjejochonhénrá kíxin itsi tí yaon tsónhen xikaha la kaín əsánrá chrókjuéyará jnkojína chrók'uejorá kíxin ts'ikon Dios kíxin kjuaxróxin tjejorá chontahyará jie. ¹⁵ Chrókónohará kíxin naxa tjechónhen Ìnchéni, tjokahya itsi ch'án kíxin í so chojni naxa chrókuitekaon sín ch'án. Kjaxin xikaha tsíkjín tí kíchó ni Pablo tí xroon chr'áhanrá ch'án éxi tí kjuachaxién Dios tsík'áyéhé ch'án chrónka xikaha. ¹⁶ Jnkojko tí xroon tsíkjín ch'án nixja xikaha la imá xrä chrókienxín chojni. A ntá tí sín noehya la ko tí sín kánhyó tinkáchónki Ìnchéni ntá tienxínya sín la ntá ntoáhya tjako sín nkexrí t'axrjexín tí nixja tí xroon tsíkjín ch'án la ko kjaxin ntoáhya tjako sín í so nkehe nixja xroon itén Dios. Ntá xikaha jehó sín tneyá sín nkehe ts'itjáyanxín sín.

¹⁷ Méxra kíchó ni, ó nohará tí nkehe senó, ntá chrókóxakonhanrá kíxin chrókjuachruéhyará tí kjuach'ia xriko tí sín jínahya ntá chrókuítóhérá tí nkehe jína ntoá tinkachónkirá. ¹⁸ Íchá jína əntsí má chróchoxínrá Ìnchéni Jesucristo, mé tí nkexro sinchekaáni la ko əntsí chrók'uánkí tí kjuachaxién ch'án chróchontará. Méxra tsjikosáyeheni ch'án ijie la ko jnkochríxín. Amén. Ó tjen.

Tí Nuevo Testamento cuènte Inchéni Jesucristo C'óna Nquìva New Testament in Popoloca, San Juan Atzingo

copyright © 1982 Wycliffe Bible Translators, Inc.

Language: Popoloca, San Juan Atzingo

Translation by: Wycliffe Bible Translators, Inc.

Popoloca, San Juan Atzingo [poe], Mexico

Copyright Information

© 1982, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoloca, San Juan Atzingo

© 1982, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

x

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
b9b09122-b3f6-59f0-9594-749907b32b5b